



15 aña PCN i desaroyo den organisashon i direktiva

KRALENDIJK, 4 di novèmber 2025 - PCN ta wak bèk riba 15 aña di ehekushon di areglo di penshun pa empleadonan públiko i empleadonan den enseñansa i kuido. Pa keda garantisá kontinuidat i konekshon ku nan miembronan PCN ta buska miembronan di direktiva aspirante for di sektornan di kuido i enseñansa. I tin kambionan ta tuma lugá den direktiva i Konseho di Supervishon.

Rupert Wallé, presidente
Konseho di Supervishon
PCN

Ta wak bèk riba 15 aña PCN

Ta 15 aña pasá ku Pensioenfonds Caribisch Nederland (PCN) a tuma e ehekushon di e areglo di penshun pa empleadonan públiko i empleadonan den enseñansa for di

Algemeen Pensioenfonds van de Nederlandse Antillen (APNA). Pa kompletá esaki a akomodá penshun pa empleadonan den kuido tambe serka PCN.

Pa dirigí ehekushon di e areglo di penshun aki den bon direkshon a apuntá na aña 2010 un direktiva di fondo di penshun completamente nobo. Harald Linkels, miembro di direktiva i presidente di promé ora: “Nos a kuminsá ku un herensia di APNA. Tantu atministrativamente komo finansieramente nos a surpasá e opstákulonnan nesesario. Pa e traspaso di e atministrashon di penshun nos a traha den koperashon estrecho ku APNA. Nos a hiba kòmbersashonnan nesesario ku Ministerio di Asuntunan Interior i Relashonnan di Reino tokante finansiamentu di e obligashonnan di penshun. Na kuminsamentu nos a prueba komo direktiva finansiamentu adekuá di obligashonnan di penshun ku e Ministerio a traspasá pa PCN.” Señor Linkels ta indiká ku e último 15 añanan e fondo di penshun a hañ’é konfrontá ku interesnan hopi abou, mientras e interes aktualmente ta haltu. E grado di kobertura aktual ta riba e nivel mas haltu den historia di PCN i ta 142,8%.

PCN ta buska miembronan di direktiva aspirante den kuido i den enseñansa

Sindikato- i dunadónan di trabou ku ta afiliá na Konsulta di Sektor Hulanda Karibense ta proponé miembronan di direktiva i miembronan di Konseho di Supervishon. Esaki ta stipulá den e akta konstitutivo di PCN. Harald Linkels: “Nos ta ripará mas i mas sierto diskordia ku dunadónan di trabou i empleadonan di e sektornan di kuido i di enseñansa no ta embolbí den proponé miembronan di direktiva. Ta di lamentá ku pa esaki PCN ta dependé di desishonnan ku ta tuma den Konsulta di Sektor.” Linkels ta haña ku ta importante pa keda den kòmbersashon ku Konsulta di Sektor tokante dunamentu di espasio na otro sektor pa asina realisá un representashon balansá na favor di tur dunadó di trabou i partisipante.



Konsekuentemente PCN ta hasi esfuerso pa oumentá e konekshon ku e sektornan mensioná, segun Linkels. “Den konsulta ku representashon di dunadónan di trabou den Konsulta di Sektor nos a buska miembronan di direktiva aspirante ku ta traha den kuido i den enseñansa. E miembronan di direktiva aspirante ta kompletamente embolbí den asuntunan di maneho i ta prepará nan pa sigui e miembronan di direktiva ku nan periodo di seshon ta yegando su final e periodo benidero.”

Kontinuidat i laso ku miembronan

Linkels: “Nos a ripará ku ta un reto pa haña miembronan di direktiva ku ta kumpli ku e eksigensianan spesífiko di ekspertisia. De Nederlandse Bank ta chèk miembronan di direktiva., Esaki ta eksigí un konosementu konsiderabel i eksperensia riba nivel administrativo. P’esei nos a añadí aspirantenan na mesa di direktiva pa por garantisá kontinuidat i na mes momento oumentá e laso ku e miembronan.”

Kambionan den direktiva i Konseho di Supervishon

Pa finalisá señor Linkels ta indiká ku sindikatonan a proponé señor Eric Matroos pa sigui señor Gilbert Cijntje komo miembro di direktiva. Minister di Asuntunan Interior i Relashonnan di Reino a nombra Rupert Wallé komo presidente di Konseho di Supervishon. Señor Wallé ta sigui señor Eugène Rhuggenaath. Señor Rhuggenaath no por a kombiná e funshon di presidente ku su posishon na Banko Mundial na Washington. Señor Wallé ta un dirigente i supervisor eksperensia ku un karera impreshonante di mas ku trinta aña den sektor finansiero. Tambe e ta aktivamente embolbí den inisiativanan sosial, ku atenshon spesial pa bienestar di mucha. Na aña 2021 el a risibí pa esaki e Kondekorashon Real komo Ridder in de Orde van Oranje-Nassau. Finalmente sindikatonan a proponé señor Vertyl Sams pa sigui señor Herbert Domacassé. Señor Domacassé a dediká su mes pa ku 10 aña pa PCN komo miembro di Konseho di Supervishon na nòmber di sindikatonan.